

香港紅十字會 醫護服務部
五星健康五星家
地區伙伴健康快訊



提防擦傷染惡菌



相信不少家長都會於空餘時間帶小朋友到遊樂場遊玩。但今個月初，有小朋友懷疑於公眾遊戲室玩耍時不小心擦傷腳背，期後出現水泡及發高燒，經檢驗後發現金黃葡萄球菌入血。幸好該家長及時送小朋友到醫院求醫，否則後果將更嚴重。今期「快訊」就此事將與大家討論一下何謂「金黃葡萄球菌」。

服務幹事
阿森



我最近帶女兒出街玩都特別注意安全同衛生呀，因為月初有個小朋友懷疑係遊戲室感染到金黃葡萄球菌，令我哋一班家長非常擔心呢！

我都有留意呢則新聞，那個小朋友係因為擦傷腳背，令細菌有機會乘虛而入。

護士
何姑娘



經理Eric



我都有聽過「金黃葡萄球菌」，但其實此細菌點解會如此命名呢？又點解會係遊戲室發現架？



金黃葡萄球菌係顯微鏡下排列成葡萄串狀，所以有此名稱。**此細菌一般可存活於物件表面一段長時間，亦可以於皮膚頭髮上、鼻腔中或咽喉內發現。**

護士
何姑娘



服務幹事
阿森



就係因為小朋友有個傷口，就令呢種惡菌透過**直接皮膚接觸而感染身體各部位**？

係有機會架！受感染嘅皮膚同軟組織會出現**紅腫、觸痛、發熱、流膿或膿瘡**。嚴重時更有機會出現**細菌入血**，亦可致**壞死性筋膜炎**。若不及時治療，有機會係短時間內細菌感染失控，甚至需要截肢。

護士
何姑娘



經理Eric



我聽過有人稱金黃葡萄球菌為「耐藥性」又係點解呢？

其實近年好多地方都發現原本健康嘅人士係**社區感染個案**，佢哋於病徵出現前一年內均**無留醫、在醫院/院舍住宿，或接受治療的記錄**，呢類感染就稱為**社區型耐藥性金黃葡萄球菌感染**。

護士
何姑娘



服務幹事
阿森



咁我地咪防不勝防？



有一些感染此細菌嘅高危因素，大家可以注意一下嘅，例如：**個人衛生欠佳、居住環境擠迫、經常與他人有身體接觸等**。所以我哋要**避免與他人共用個人物品、皮膚受損應以清水沖洗，再用防水敷料妥善覆蓋患處、如有傷口應該避免參與有身體接觸之運動或使用公共浴室喇！**

護士
何姑娘



服務幹事
阿森



我知喇！如果有任何感染嘅徵狀，就要即刻睇醫生吖嘛！而且有機會要**按照醫生嘅指示，服用處方嘅抗生素！**

記得**抗生素要服食整個療程，唔好自行停藥呀！**

護士
何姑娘



經理Eric




我諗講得咁清楚，大家都明白晒喇！如果地區團體想聯同我哋一齊舉辦有關嘅**健康講座、健康檢查**或者**借用以健康為題嘅展板同遊戲**，就可以聯絡我哋嘅健康教育主任何姑娘，電話係**3103 4067**，電郵係**chep@redcross.org.hk**



參考資料：http://tw.on.cc/hk/bkn/cnt/news/20150506/bkn-20150506194831238-0506_00822_001.html



香港紅十字會醫護服務部的**Facebook**專頁通過不同的急救謬誤及生活冷知識，使急救及健康推廣變得更大眾化。請即www.facebook.com/HKRC.Health俾個  啦！



香港紅十字會推出「流動急救應用程式」

香港紅十字會推出的紅十字急救通，為你免費提供方便、簡明的急救知識。應用程式設有短片示範、逐步指示的應急步驟等，令你更容易掌握急救的知識。

